



Osterøy IL
Postboks 42
5293 LONEVÅG
Org.nr: 975 682 447

Lonevåg, 13.07.20

Uttale frå Osterøy IL: Områdeplan for Lonevågsområdet

Osterøy IL (etter dette OIL) er godt nøgde med at områdeplanen legg opp til ei utviding av Osterøyhallen mot sør. Det er svært viktig å få realisert ei utviding av hallen så snart som mogleg. Kapasiteten i hallen er sprengt, og mangel på hallplass og halltid set ein stoppar for ei utviding av tilbodet idrettslaget kan gje til born og unge. Det er pr i dag ikkje mogleg å få utvida treningstid i hallen på meir enn ein halvtime nokre få gongar i veka på tidspunkt som er eigna for born og unge. I tillegg er det på desse tidspunkta berre 1/3 av hallen som er ledig og med det er det mange aktivitetar som ikkje kan gjennomførast.

Plankartet indikerer at mørkegrøn farge, som er brukt på Osterøyhallen, vert kalla idrettsstadion, medan lysegrøn farge vert kalla idrettsanlegg. For idrettslaget det er det vanskeleg å forstå forskjellen mellom desse to omgrepa.

OIL vil peika på følgjande når det gjeld ei utviding av hallen mot sør:

- Auka fleksibilitet ved bruk av hallen sidan det vert plass til både trening på ei full handballbane samstundes som det vert plass til trening på ein ekstra del av hallen i tillegg til klatrevegg.
- Utviding av hallen mot sør avlastar gangen til oppvarming.
- All aktivitet som berre treng 1/3 av hallen unngår å blokkera for aktivitet som treng heile hallen
- OIL meiner det vil vere mogleg å utvida hallen mot sør utan å tapa parkeringsplassar på sørsida av hallen då desse ved sikring av skrenten kan flyttast sørover.

OIL merkar seg at grusbana nord for hallen ikkje fullt ut er sett av til idrettsføremål. Grusbana var i bruk frå 2003-2009 som avlastningsbane for grusbana fram til kunstgraset i Fugledalen var ferdig. Denne vart opparbeidd på dugnad av OIL med lys og grus. Kapasiteten på kunstgraset har vore sprengt i fleire år og OIL meiner at områdeplanen no må stadfesta at dette arealet må setjast av til idrettsføremål. OIL har eit stort behov for ei avlastningsbane for fotball, men ser samstundes at dette kan kombinerast med ei utvikling av området som skapar gode møteplassar og mykje aktivitet året rundt.

Områdeplanen legg opp til at under halvparten av grusbanearealet er sett av til idrettsføremål medan resten er sett av til open plass/leikeplass i følgje plankartet. OIL meiner at det ikkje er behov for å setje av eit så stort område til leikeplass fordi det allereie er fleire leikeplassar i nærleiken: både på skulane og i Fugledalen bustadfelt. Ved eventuell framtidig bustadutbygging i området og behov for meir areal til leik har kommunen moglegheit for å sikra dette ved krav til utbygger.

I møte mellom kommunen og OIL den 26.juni var nokre av argumenta til kommunen for å regulera delar av grusbana til open plass/leik blant anna å ha ein fleksibel plass tilgjengeleg til



Osterøy IL
Postboks 42
5293 LONEVÅG
Org.nr: 975 682 447

for til dømes sirkus og bubiltreff. OIL si vurdering er at når slike arrangement vert sett opp mot idrettsaktivitet som går føre seg året rundt retta mot lokale born og unge, då må tiltak retta mot born og unge klart prioriterast.

Kvaliteten på grusbana slik flata står fram i dag gjer at bana ikkje vert brukt i særleg grad. OIL meiner at denne plassen har vesentleg større potensiale enn det områdeplanen legg opp til dersom ein større del vert regulert til idrettsføremål. Osterøy IL har også motteke spørsmål og reaksjonar til området frå både medlemmer og andre lokale innbyggjarar. Reaksjonar er knytt til kvifor ikkje området kan nyttast på ein annan og betre måte enn i dag.

Osterøy IL er det største idrettslaget i kommunen med 650 medlemmar, me spelar difor ei viktig rolle både i eit folkehelseperspektiv og for eit trygt og inkluderande aktivitetstilbod for born og unge på Osterøy. Osterøy kommune har i følgje Vestland idrettskrets ein lågare del av folketalet som medlem av idrettslag enn det som er gjennomsnittet i Vestland fylke. Kapasitetsproblema ved idrettsanlegga på Hatland gjer det vanskeleg å utvida tilbodet og auka medlemstalet.

Osterøy IL ynskjer difor at områdeplanen for Lonevågsområdet regulerer heile grusbana ved Osterøyhallen til idrettsføremål slik at ein får utnytta potensialet denne plassen utgjer. I staden for ein open plass med dagens (manglande) kvalitet, meiner Osterøy IL det finst fleire moglegheiter for å skape både ein attraktiv møteplass for innbyggjarane samstundes som arealet kan imøtekomme Osterøy IL sitt behov for meir plass til aktivitet i regi av idrettslaget. Osterøy IL har fleire tankar og konkrete døme på visjonar for området der Osterøyhallen og området rundt vert vidare utvikla og utvida som fleirbrukshall med samlokalisering av fleire tilbod som ungdomsklubb og bibliotek. Osterøy IL er positive til å utvikla deler av arealet til leikprega aktivitetar og ulike former for trening og ein går gjerne i dialog om korleis dette viktige arealet i Lonevågsområdet skal sjå ut i åra som kjem.

Etter idrettslaget sitt syn er det viktig at arealplanen no er så fleksibel som mogleg så ein ikkje endar opp med å måtte søkja dispensasjon frå arealplanen på eit seinare tidspunkt.

Beste helsing,

Tore Johan Langeland
Dagleg leiar Osterøy IL
+47 908 78 512
www.osteroyil.no
post@osteroyil.no